



Plata dla Ploania Antermëia Sant'Antone Abat

Ploian: **siur Paul Campej**
E-mail: **campei.paul@rolmail.net**

Calonia: **0474/520012**
Siur Paul: **380 7345533**



Ann C

22.01.2017 - 3. domënia ia por l'ann

n. 9

Speranza nöia

📖 **Is 8, 23b – 9, 3 | 1 Cor 1, 10–13.17 | Mt 4, 12–23**

Dal Vangele do San Mateo:

¹²Do che Gejù â aldì, ch'an â sciuré Jan te porjun, s'âl retrat tla Galilea. ¹³Al à lascè Nàzaret, por jì a d'abitè a Cafàrnaum, che é dlungia le lêch, tl raiun de Sébulonn y de Nàftali. ¹⁴Çiodich'al dô s'adempli, çì ch'al é gnü dit tres le profet Isaia: ¹⁵La tera de Sébulonn y la tera de Nàftali, la strada dl mer, la tera delà dal Iórdann, la Galilea pagana: ¹⁶le popul che viô tla scurité à odü na löm lominosa; a chi, che viô tl règn dl'ambria dla mort, ti él aparì na löm. ¹⁷Da dailò inant à Gejù metü man da incundé: Convertisse! Deache le règn dl cil é daimprò. (¹⁸Tratan che Gejù passâ dlungia le lêch de Galilea, àl odü dui fredesc, Scimun, nominé Pire, y so fre Andrè, ai ê dër tl sciuré fora la rëi te lêch, çiodich'ai ê pesciadus. ¹⁹Y al ti à dit: Gnide do a mé! I fajarà fora de os pesciadus de jënt. ²⁰Atira ài lascè dailò sües rëis y ti é jüs do. ²¹Da jì inant àl odü dui d'atri fredesc, Iaco, le fi de Zebedèus, y so fre Jan; ai ê cun so pere Zebedèus te barca y arjignâ ca sües rëis. Al i à cherdè, ²²y atira ài lascè la barca y so pere y ti é jüs do a Gejù. ²³Gejù rodâ por dõta la Galilea, insignâ tles sinagoghes, incündâ le vagnele dl règn y varì tl popul dõtes les maraties y les soferënzes.)



So vielfältig die Menschen.
so vielfältig ihre Talente.
so vielfältig die Berufungen.

📖 *Letöres dla 4. domënia ia por l'ann:*
Sof 2, 3; 3, 12–13 | 1 Cor 1, 26–31 | Mt 5, 1–12a

Edema liturgica dai 22.01. ai 29.01.2017

2016	Ora	Mëssa
3^a DOMENIA 22.01. DL ANN <i>oferta por la dlijia</i>	9.30 10.00	Corona Gran Messa por la comunité families Winkler, Ustì fam. Frieda Craffonara
LÖNESC 23.01	7.25	s. Messa + Tille Elzenbaumer
MERTESC 24.01 <i>s. Franz da Sales</i>		
MERCUI 25.01 <i>converjiun de s. Paul</i>	7.25	s. Messa di scolari ++ Emmy y Sepl Prousch
JÖBIA 26.01 <i>ss. Timotheus y Titus</i>	15 - 16	ora de oraziun pur vocaziuns y i proi
VENDRES 27.01 <i>s. Angela Merici</i>	7.25	s. Messa + Iarone Agreiter
SABEDA 28.01 <i>s. Tomesc de Aquino</i>	18.00	s. Messa prefestia + Amalia Erlacher
4^a DOMENIA 29.01 s. Ujöp Freinademetz	9.30 10.00	Corona a onur de P. Freinademetz Gran Messa por la comunité a onur de s. Ujöp Freinademetz fam. Albin Clara ++ Pire y Angel Castlunger

Informaziuns y terminns

S. Antone: dër n bel dilan a duc chi che á daidé pro a fë garaté la festa de s. Antone. Ince a chi che se á tut dlaurela a gní a Messa. Ince a chi che á tut pert al batadú. Mo dandaldöt al Consei de Cöra, che à albü bindebo de laur implü, a gauja dl trasferiment tl salf dles uniuns. N compliment y dilan al cor y ai strumentalisé, che ti á dé na nota dër da festa. An mëss dí che ara é dër, dë garatada cun la colauraziun de tröc. Dilan!

En *mertesc*, 24.01. dales 8.00 él te calonia bas ite na **incuntada** cun i **geniturs** di **comunicanc**.


le ploan

WALLFAHRTS ORTE

Foto: picture-alliance/Godong/Pascal Deloche

Taizé

„Fascinaziun Taizé“ – almanco por tröc jogn vël chësc. Cëncmille é ti ultimi dejená jüs te chësc pice paisc tl Burgund tla Francia, por vire tla oraziun y tla mëssa y tl confrunt internazional, ciarié sö forza y scovrí trus da vire la fede cristiana vignidé. Pro Taizé alda l'inom Roger Schutz. Al é nasciü tl 1915 tla Svizra. Do le stüde de teologia y l'ordinaziun a prou, se al lascé jö a Taizé. Dl 1940 al cumpré na ciasa por lascé ite sciampá dala vera. Tratan la vera se á formé la comunité da Taizé, y dl 1949 ai de jö l'ú de vire te na comunité, impröma evangelica spo ecumenica, tla poverté y da nia maridá. Aldedaincö él ca. 100 fratri tla comunité da stac desvalies y cun confesciuns desvalies. „Batalia y contemplaziun“, insciö ti á dit Frère Roger instëss, na vita tla tensciun á caraterisé dal mëter man inant la vita dla comunité. Da un n vers l'engajemënt por la pêsc danter i popui y les confesciuns y danter ric y püri. Y dal atra pert la meditaziun, le tēmp d'adoraziun trëi iadi al dé a Taizé.



La devoziun, che se mostra dandadöt tles cianties componüdes da Jacques Berthier, ciafa atraziun lunc sura Taizé fora; te deplü posc él regolarmënter mësses y oraziuns da Taizé, gonot ince en comunité ecumenica. Dl 1966 él ste a Taizé la pröma incuntada di jogn cun ca. 1400 partezipanc. Y fora de chësta incuntada él nasciü les incuntades da Taizé che vëgn fates vigni ann verso la fin dl ann tres te na atra cité dl monn.



Paulus se aratâ tl dêrt, canche al porseghitâ i cristians; al odô te chësc na opra che ti plajô a Dî. Mo spo ál incunté Gejú – y ci che ê cina sëgn dêrt y a post, odôl sëgn sciôche falé y iniüst. Ci che é spo sozedü, é ste na inversciun radicala. Y chësc nes recorda la **festa dla conversciun de S.Paul ai 25 de jená.**

TIM & LAURA www.WAGHUBSTINGER.de



Mësses a Rina:	Dom 8.30 Dedol. 19.15 Jöb 7.25 Sab 19.15 Dom 8.30
Mësses a San Martin:	Dom 9.30 Dedol. 19.30 Jöb 7.30 Sab. 18.30 Dom 9.30

	23.01 - 28.01	Nadine - Kathrin
	29.01.2017	Tobias –Lorenz – Laura - Emily
	28.01.2017	Guido Rives
	29.01.2017	Petra Clara

Impressum:
Comunicaziuns:
Download:

Ploania Antermëia - redaziun Carlo Piazza
cina la jöbia sëra a carlo.piazza@bb44.it | 0474 520044
www.unitepastorala.org | www.comun.sanmartindetor.bz.it